


www.BibleForChildren.org

Fingec fingec 3



Anu ngac ye ngicngac sasawa
kekecninagoc nenang kisicnina.
Imocac amma ngic ye enemaac
kpara Ewa kparec.



Kebu Anutungo bangecac yang
sasawa meficyunuec imoc yeneac
botucfu boidzocngo negen
negentegec ikoha amma faka
manganau feracyunudarec. Anu yeng
ngac yofi dema kpesimiec, "Ngeri uau ic
sasawa nandacdae imocac fora mi nedarecde,
Anutungo foracngoc
ifi deec me?"



Ifi deu ye yofi meremmiec, "Neri uau ic nandae imocac fora naric nedacdede. Anutungo yofi deec, 'Kecma homebaocac ua botuhau ic mocgu nande imocac fora mi nebesera amma mi kpeserebesera.' Ifi deec."



Ifi deu boidzocngo
yofi meremmiec,
"Kpac, ngeri naric mi
homeecde. Ye ine yofi
negende, ngeri ic imocac gbomea
necdeu kicngira tegeru ye isoc
amma wiac gombunga nga
mangana imocac hania
negentegerecde."



Ifi deu ngac ye ic imoc henu nenea
gombunga amma yeac kicfu siriha
gombunga yombong anec. Anu ye
yofi negenec, "Ni naric imoc nema
negen negentegecgoc ambade."

Ifi negemma ye ic imocac
gbomea mong
mema nema ewea
yegoc nanec ye
ifingoc miu neec.



Nec kicngira tegeru senggang
kefoc imoc engenoc. Engemma
fig ic maria goa mema kpebioc.
Kpebima imocngo kporuc isoc
anu sebingira semeoc.





Sufuec ye ngic
kpacma yofi deec, "Adam, ge
dahai?" Ifi kparu ngicngo yoac turunga yofi
meremmiec, "Ni udumengga negemba uau hana
senggang kecduaeac kengec amma sufudua."





Ifi deu Anutungo yofi dema
kpesimiec, "Ge senggang kecneec imoc
merang edegudac? Ge ic gbomea mi
nenadeac kpae faiyai ge imoc nedang me?"



Ifi deu ngicngo yofi deec, "Ge ngac nigoc
kefudeac nennec yeng icgbomea mema
nenu nedua." Ifi deu ngac yofi dema
kpesimiec, "Ge noc faka andang?"
Deu deec, "Boidzocngo ikoc anenu
ic gbomea kpaeyagoc imoc nedua."





Imocacamma yeri Eden
uaunac meicyuruec. Amma yeri
bangectehengomemeaac
sueyuruu kemma yeraoc
bangecfu heihomec nec anoc.



Kebu Anutungo ngicngac
meicyuruu

ngadeau kemeoc.

Meicyuruu Eden uau wenac ereereau
dzikacac beang monggerecborangagoc
dzeec imoc yengenaoc imohai
yerecgemakenghaanec
imoc faiec.





Anu ye keruwfora goa k ifingoc
ihaifaiyunuu yeneng kekec icac sing
hedzickegecdeac gareng nanggec.
Kebu Anutungo ngicngac
meicyuruu
ngadeau
kemeoc.





Meicyurruu Eden uau wenac
ereereau dzikacac beang mong
gerecborangagoc dzeec imoc
yengenaoc imohai yerecgema
kenghaanec
imoc faiec.





Anu ye keruwfora goa ifingoc
ihai faiyunuu yeneng kekec
icac sing hedzickegecdeac
gareng nanggec.




Anu ngic ye enema Ewagoc feu medac
mong kpenanggema meec. Mema yofi
deec, "Kebungo meficnuu ngic mong
medua," ifi dema kpara Kain kparec.




Anu ngac ye monggoc kpenanggema munia Hawel meec. Anu ye kecma yadima rama garengyunuma kefec. Kaingngo ine semenguamemeac ngic amma kefec.



Kecma Kaingngo Kebuac sese dema uayaunac semeng
mema haec. Anu Hawel ye ifingoc ramafora
warac warac fingec fingera yenearunac
goa kpema kerecngina tosea
Kebuaru mehaec.



Mehau Kebungo Hawel yengena nga sesea imoc henu ngereec nga Kain amma sesea imoc ine mi henec. Ifi anu Kain ye herebutoa yombong negenu herebungo herea wakeu kicmesuya siriha mong anec.



Anu Kain ye munia Hawel yofi dema edeec,
"Nerang uau kende." Ifi deu uau kemma
munia Hawel ngaba ammima
kpema kpebucgeec.



Kpebucgeu Kebungo yofi dema kpesimiec, "Kain ge munaga Hawel dahai?" Ifi deu yofi meremmiec, "Ni mi negenduae ni munanaac gareng kpahac."

Ifi anu Kain ye Kebuac kicfunac meickema kemma bangec mong kpara Nod, Edennu wenac ere ereaubigeng imohai kefec.



Anu Adam ye enemagoc monggoc feu hereagoc
amma medac mong meec. Mema yofi deec,
"Kaingngo Hawel kpebucgecac yeac turunga
Anutungo sabac mong meisinggema
nendac." Ifi dema kpara Set kparec.



Set fingeru ye kifa 800 torokpema kecmanu
naroangmedacfora monggoc fingecegec.
Adam ye ifi kecma kifaya 930
ammanu homeec.



Kebungo bangecfu ngicngac yenenu yeni
faka mangana homac meficgegec.
Amma ubaherenginau negen negeng
manganasac feu imocacsoc faka
mangana nasosoc
amma kecgec.



Mema yofi deec, "Bangecngicngac
meficyunuai yeni bangec witiaunac
meicyunubesare."



"Ni meficyunuai imoc ubanango
wayunuduaeac ngicngac nga yang
amma wiac kekecnginagoc bangecgoc
wegenac kengha amma kecandae
nga sawaac neng sasawa
meicyunudacbade."



Nga Kebungo ine Noaac negenu ngereec. Anu
yeac medacfora harebec fingecgec yeneac
kpacngina Sem nga Ham amma Yafet.



Imoc
yofiac, Anutungo
bangectoa bangecfu ngicngac ngeneac
noc isoc ammiēcac Medaha mocgu faiu
bangecfu maec. Imocac ngic mongngo
ye negensinggeude, ye manganau
mi kemeude yeng ine
kekecseri meude.



Roma 3:23 nenang sasawa kopocsic meficgema kuc nga kibikperagia Anutuarunac haande, imoc kekecninau obohoma kecdimbe.

Roma 6:23 Imoc yofiac, kopocsicac buma imoc homec megecde nga Anutuac wosoefac, imoc Kebunina Yesu Kristoac amma kekecseri buma kpac nemmebesande.

Hebiraio 9:27 Anu ngicngac sasawa naso mocgusac homenideac dedea nga ngadeau kecma yoacfu nambesonga.

Efeso 2:8,9 Imoc yofiac, ngeni Yesu negensinggegecac yeng danggunuha ngemmema kopocsicac ebicfunac mesingunuu komoc kpegecde. Nga imoc ngenang gombunggac kpac.



Anutungo wosoefahaac amma wiac imoc ngemmeec.
Imoc ngenang angammemeac kpac. Imocac ngic mongngo
yengenaac negenu wiac engena mi ambeso.

Roma 10:9,10 Imoc yofiac, ge enacbibicgango, Yesu ye
Kebu, imoc dekperaginade nga Anutungo Yesu
homecfunac megboriec, imoc negensinggenadeu
Anutungo kopocsicgaac ebicfunac mesiguu komoc
kpenade. Nenang ubahereninango ye negensinggeni yeng
dindingac denemmeude. Nga enacbibicninango ye
dekperagini yeng kopocsicninaac ebicfunac
mesinunuu komoc kpenide.

Yohane 3:16,17 Imoc yofiac, Anutungo bangectoa
bangecfu ngicngac ngeneac noc isoc ammiacac Medaha
mocgu faiu bangecfu maec. Imocac ngic mongngo ye
negensinggeude, ye manganau mi kemeude
yeng ine kekecseri meude.



Anutungo Medaha bangecngic manganangina isinggema desiudeac sueu mi maec, kpac. Ye bangecngic ebicfunac mesiyunuu komoc kpegecdeac bangecfu sueu maec.

1 Yohane 5:11-13 Nga dedekperagia yomocngo hepucnina ande, Anutungo kekec wisic wisickea kpac nemmeec nga kekec imocngo Medahaaru fede. Ngic mong ye Medac hoanggeude, yeng kekec foragoc kefude. Nga mong ye Anutuac Medac mi hoanggeude, ye ine kekec foragoc mi anude. Ngicngac Anutu Medahaac kpac negensinggedae, yeneng kekecserigoc kecgecde, ngeni imoc negentegecgecdeac kibi yomoc ohongemmeduae.



Fingec fingec 3 - 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Dedua Bible (ded) © (Active), Wycliffe Bible
Translators, Inc. All rights reserved.

<https://live.bible.is/bible/DEDWBT/MAT/1>

©2024 Bible for Children, Inc.

www.M1914.org

www.bibleforchildren.org

